

Publication/Creation

June 1949

Persistent URL

<https://wellcomecollection.org/works/jrpaa6wp>

License and attribution

Wellcome Library; GB.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

Rotunda sputa, qualia in Pleno fuerunt, delirium portendunt.

Haud temerè hac sententia Hippocrates sputum rotundum ut perniciosum, ac delirium portendens damnat. Nam etsi materialis ueluti causa sputi sit crassities ac glutinositas humorum qui in cartilaginibus, quas βρόγχιαι Græci uocant, pulmonis aggregantur, tamen ut rotundum fiat in aliquo loco, calor ipse efficit, à quo id ipsum ueluti assatur. Quum itaq; immodicus calor sputum rotundum efficiat, quid mirum Hippocratem hoc in loco dicere illud portendere delirium, quando Galeno etiam lib. secundo de affe. lo. cap. tertio teste, delirium causa potestate calida efficiat? Sic in præfagiorum etiam libro sputum rotundū ut inutile damnat. Sed præstat uerba eius adscribere, quæ sic habent: πύελον λευκὸν καὶ γλίσσορον, ἢ σπύγγυλον, ἀλυσιτελές. quod est: Sputum album, glutinosum, & rotundum, inutile est. Inutile uero hic tanquam malum inaudias oportet, quod scilicet immodicū calorem pituitā assantē demonstrat. Vbi autem immodicus calor sputi uiscerum ac crassities cōiunctus fuerit, facile ob uaporum assensum caput replere, ac efficere delirium potest. Sputa talia multa in Pleno uidit Hippocrates, ideo addit, qualia in Pleno fuerunt. Est autem omnium ueterum interpretum testimonio Plenus locus aliquis: cuius autem ciuitatis locus fuerit, nemo illorum, nec Galenus etiam indicauit. Apud Strabonem libro ultimo, & Herodotum lib. quarto, Plini cuiusdam Aegypti portus mentio fit: an uero hic sit, cum unius tantum literæ piclura differat, nondum compertum habeo. Verisimile tamen est in loco aliquo calido, qualis Aegyptus est, id ipsum contigisse. Scilicet in re incerta, nec magni admodū momenti, non est cur anxie solliciti simus.

Habentes hæmorrhoides neq; laterum dolore, neq; pulmonis inflammatione, neq; depascenti ulcere, neq; furunculis, neq; terminthis, pariter neq; lepra, neq; uiriliginibus corripuntur. Quamplurimi igitur intempestiue sanati mox morbis iam dictis correpti sunt, & fuerunt sanè perniciosi. Sic etiam quicumq; alij abscessus, ueluti fistulæ, reliquis medentur morbis. Contemplandum itaq; est quod à quibus morbis facta liberant, eosdē etiā ubi præcesserint, ne fiant prohibent.

Hæmorrhoidum
commoditas.

Quanta sit hæmorrhoidum moderate, & sua sponte, ac naturaliter promanantium commoditas, præsens Hippoc. sententia abunde docet. A nullo siquidem hic cōmemoratorum morbo capitur, cui illæ decenter emanauerint. Nam cū per easdem omnes corporis uitiosi humores, iam nominatos morbos procreare potentes excernantur, nihil miri est quod hi qui hoc modo afficiuntur, ab illis tuti sint. Proinde etsi nonnunquam malus corporis habitus decoloratioq;